

SINAR HARIAN

JUMAT - 25 FEBRUARI 2011

Md - N2

## Amalan demokrasi bukan demonstrasi

SINTOK - Pilihan raya kampus sewajarnya mendedahkan mahasiswa kepada amalan demokrasi dan bukan demonstrasi sebagaimana yang berlaku di Universiti Putra Malaysia (UPM) kelmarin.

Menteri Pengajian Tinggi, Datuk Seri Mohamed Khaled Nordin berkata, amalan pilihan raya kampus merupakan satu proses pembelajaran dan kemajangan mahasiswa dalam menghadapi arus cabaran politik negara yang lebih mencabar pada masa hadapan.

Menurutnya, terserah kepada tahap intelektual penuntut untuk melihat kepentingan pilihan raya kampus dari sudut yang lebih positif kerana sekiranya ianya dijadikan medan meluahkan rasa tidak puas hati amalan demokrasi di negara ini akan bertukar menjadi demonstrasi.

"Sebab itu, kita menda-

pati melalui proses ini, ada pilihan raya kampus dijalankan secara aman, manakala terdapat segelintir universiti dijalankan sebaliknya," katanya pada sidang media di sini semalam.

Mengenai demonstrasi oleh segelintir penuntut di UPM, Serdang kelmarin, Mohamed Khaled menegaskan universiti itu perlu mewujudkan jawatankuasa untuk meneliti kes itu.

Menurutnya, satu pertemuan dan dialog dengan pimpinan penuntut perlu dipertingkatkan demi mewujudkan hubungan kerjasama lebih baik antara pengurusan universiti dengan penuntut.

Ditanya sama ada tindakan tatatertib akan diambil ke atas pelajar terlibat, Mohamed Khaled menyerahkan keputusan itu kepada pengurusan universiti untuk tindakan selanjutnya.

**Boleh bantah tetapi usah bertindak ganas > N7**